



29 Jun 2013
29 June 2013
P.U. (A) 202

WARTA KERAJAAN PERSEKUTUAN

FEDERAL GOVERNMENT GAZETTE

PERINTAH PERKHIDMATAN KEWANGAN (INSTRUMEN PEMBAYARAN YANG DITETAPKAN) 2013

FINANCIAL SERVICES (DESIGNATED PAYMENT INSTRUMENTS) ORDER 2013



DISIARKAN OLEH/
PUBLISHED BY
JABATAN PEGUAM NEGARA/
ATTORNEY GENERAL'S CHAMBERS

AKTA PERKHIDMATAN KEWANGAN 2013

PERINTAH PERKHIDMATAN KEWANGAN (INSTRUMEN PEMBAYARAN YANG
DITETAPKAN) 2013

PADA menjalankan kuasa yang diberikan oleh seksyen 31 Akta Perkhidmatan Kewangan 2013 [*Akta 758*], Bank Negara Malaysia, dengan persetujuan Menteri, membuat perintah yang berikut:

Nama dan permulaan kuat kuasa

1. (1) Perintah ini bolehlah dinamakan **Perintah Perkhidmatan Kewangan (Instrumen Pembayaran yang Ditetapkan) 2013**.

(2) Perintah ini mula berkuat kuasa pada 30 Jun 2013.

Instrumen pembayaran yang ditetapkan

2. Instrumen pembayaran yang berikut ditetapkan sebagai instrumen pembayaran yang ditetapkan:

(a) kad caj iaitu suatu instrumen pembayaran yang menandakan suatu barisan kredit yang diberikan oleh pengeluar kepada pengguna dan apa-apa jumlah kredit yang digunakan oleh pengguna mesti diselesaikan sepenuhnya pada atau sebelum suatu tarikh yang ditentukan, tanpa apa-apa lanjutan kredit;

(b) kad kredit iaitu suatu instrumen pembayaran yang menandakan suatu barisan kredit atau pembiayaan yang diberikan oleh pengeluar kepada pengguna dan di mana apa-apa jumlah kredit yang digunakan oleh pengguna belum diselesaikan sepenuhnya pada atau sebelum suatu tarikh yang ditentukan, jumlah yang belum diselesaikan boleh dikenakan caj faedah, untung atau caj lain;

(c) kad debit iaitu suatu instrumen pembayaran yang berhubung ke akaun deposit di sesuatu institusi kewangan yang boleh digunakan—

- (i) untuk membuat pembayaran bagi barangan dan perkhidmatan;
 - (ii) untuk pengeluaran wang tunai dari mesin teler automatik atau pengeluaran wang tunai di cawangan runcit yang mengambil bahagian melalui penggunaan kad debit dengan mendebitkan akaun pengguna; atau
 - (iii) bagi maksud subsubsubperenggan (i) dan (ii);
- (d) wang elektronik iaitu mana-mana instrumen pembayaran, sama ada ketara atau tidak ketara, yang—
- (i) menyimpan dana secara elektronik sebagai tukaran kepada dana yang dibayar kepada pengeluar itu; dan
 - (ii) berupaya untuk digunakan sebagai suatu cara untuk membuat pembayaran kepada mana-mana orang selain pengeluar itu; dan
- (e) apa-apa gabungan instrumen pembayaran yang ditetapkan dalam subperenggan (a) hingga (d).

Pembatalan

3. Perintah Sistem Pembayaran (Instrumen Pembayaran Yang Ditetapkan) 2003 [P.U. (A) 398/2003] dibatalkan.